

۱ تموز
۱۹۲۶

تورک تاریخ انجمنی

اون آلتنجی سنه
نومرو ۱۶ (۹۳)

مجموعه سی

معروضات

(پکن نسخه دن مابعد)

سلطان عبدالمجید خان حضرتلر نی عامه ناس پک زیاده سودکری حالده بروجہ بالا برمدتنبرو سلطانلرک و سرای هایون قادینلرینک وقوع بولان اسرافات فوقالعاده لرندن طولانی بعض ناس عبدالعزیز افندینک جلوسنی آرزو ایدر اولدیلر . قرنا و مقرییندن بعضیلری ایسه عبدالعزیز افندیدن خوشنود اولدقلری جهتله حل الهی وقوعنده مراد افندینک جلوسنی آرزو ایدرلر مش . حتی بو ائشاده باش مابینچی احمد بک خارجیہ تشریفاتیجیسی کامل بک ایله بانجهده کزرکن انکلیر علی بک دخی حاضر اولدینی حالده احمد بک بو مسئله یی آچوب مراد افندینک اجلاسندن بحث ایدہ جک اولدقدہ کامل بک کندوسنه نصیحت سیاقندہ سندہ بویله لاقیردی سویله بوسوز شریعتہ دوقنور برمادہ در . بیوک اختلالی دعوت ایلر . بوبارہ سزلفہ بکزه مز . نهن باکا بونی سویلش اول ، نهدہ بن دیکله مش اولایم دیو لاقیردی یی کسدير مش . لکن بو صرہده مراد افندینک اجلاسی ایستیلیور مش . حتی والدہ سی سفراہہ مراجعت ایلش دیو سوزلر ایشیدلدی . بعضیلر و حتی بو بابده فرائسز ایلچیسینی اقناعہ رضا پاشانک توسطی محتملدر دیرلردی . بوخصوص ایسه صرف امور داخلہ و ملیہ دن اولمقلہ سفارتلرک مداخلہ ایدہ جکلری ایش دکل ایدی . قالدیکہ بوحوادث اوروپایہ دخی منتشر اولدیغندن شایدکہ مراد افندینک اجلاسنه قالقیشله جق اولورسه دأب دیرین دولته مغایر اولدینی جهتله پروتستو اولنسی ایچون فرانسه وانکلترہ دولتلری درسمعادندہ کی ایلچیلرینہ تعلیمات کوندومشر ایدی . داماد شہریاری محمد علی پاشا ایسه و قتیلہ ایشنی صاغلامش و کندیسنه اہمیت ویردیرمک اوزرہ برقاچ دفعہ عبدالعزیز افندی یہ رضا پاشا کی بعضیلر مراد افندی بی اجلاس ایتمک ایستیورلر ایسہده بن بواوغورده باشی قومشمدر . دیو کیزلوجہ خبر کوندومشر اولدیغندن عبدالعزیز افندی شہیہ دوشہرک کیفیتی رضا پاشادن صوردير مش . فقط رضا

پاشاده اكا جواباً بوخاطره كلورشی دكلدر . فقط مادامكه القاآت ايله ذهنلری طولش . مادهی کوزلجه تحقیق بیورملرینی رجا ایدرم دیو خبر کوندرمش .
 افندی دخی مادهی تحقیق ايله بی اساس اولدیغنی آ کلامش ایسه ده کندوسنه تماميله اطمینان کلدیکندن شهزادکان معلمی کال افندی (مشهور کال پاشا) دن استکنه ماده ایتدیردکده او دخی بوحوادث محضا اراجیف وا کاذیب قیلندندر .
 افندی حضرتلری بویه سوزلره قولاق آصمسون . تخت سلصنت آنجق کندولرینه توارث ایدر . اكا کیمسه مانع اوله ماز . انشالله قریباً جالس تخت اولورلر .
 مستریخ البال اولسونلر . فقط وکلایه امنیتزلک کوسترمسونلر . جمله سنی مأموریتلرنده ابقا بیوروب بعده ایجابنه کوره ایستدکلرینی استخدام وایستمدکلرینی تبدیل ایدرلر دیو نصیحت سیاقنده جواب کوندرمش اولدینی کال افدینک کندی لسانندن مسموعدر .

بو وجهله کال افندی طرفندن تأمینات ویرلش ایسه ده مسئله پک نازک ، وقت ایسه پک تنک اولوب انسان بو مثللو احوالده ذهنی وهم و وسوسه دن قور تارمق مشکل اولدقدن بشقه محمدعلی پاشانک پیدرپی القاآتی بتون بتون تأثیرسز قالیورمش .
 هله افندی حضرتلرینک والده سنی قاندرمق ممکن اولیورمش .

مایین هایونک احوالی خارجدن لایقيله اوکرتمک مشکل اولوب اولبابیه کی معلومات عاجزانهم اکثریا برقاچ واسطه ايله مسموعاتدن عبارتدر . لکن اوزمان سرای هایونک احوالی خارجدن فصل ایشیدیلیورمش ، بونی بيلمک دخی برنوع معلومات قیلندن اولمغه بوجه آتی بعض مسموعات عاجزانهمی عرض ایده جکم .
 سلطان عبدالمجید خان حضرتلری بوجه بالا معایده یرندن طولمه باغچه سرای هایوننه تشریفده عبدالعزیز افندی بی طلب ايله ایکسی برلکده بر ساعت قدر براوطه ده اوطورمشلر . نه سویلشدکلری تماميله معلوم اوله مدی . فقط ذات شاهانه « برادر بندن آرتق خیر یوق . بن معایده یه دخی وکلا و سائرلری ايله وداع ایچون کیتدم . ایشته هرشی سکا قاله جق . انشالله موفق اولورسین . اولادیلرمی سکا اسانت ایلدم . انلره ضرورت چکدیرمه » دیو بیورمسی اوزرینه افندی حضرتلری آغلامغه باشلامش ، کندوسی ده برابر آغلامش . بعده بعض وصایای لازمه دخی ایفایورمش

ایسه ده تفاصیلی اوکر نه مدك . شو قدر که بوسره ده : « وکلام بکا خیانت ایلدیلر . سنکه قرداشلغی بیلدیرمدیلر » دیمش اولدینی ایشیدلدی . نهایت افندی حضرتلرینه فناق کله وک آشوری طالغین اولدینی حالده چیقوب کندی دأره سنه کیدرکن آرز قالمش که دوشه یازمش . و دأره سنه ورودنده والده سی اوغلنی اوحالده کورنجه تلاش ایدوب بایلمش . افندی حضرتلری دخی نامزاج اوله رق قان آلدرمش . عبدالعزیز افندی حضور هایوندن چیققدن صکره شهزاده جوانخت عبدالحمید افندی حضر . تلری جلب اولتوب پدري انکه وداع صورتنده کندوسنه پک چوق دعا ایتش . آندن صکره رشاد افندی کلش ایسه ده ذات شاهانه بایغین اولدیغدن آنکه وداع ایدمه مش . الحاصل سلطان عبدالحمید خان حضرتلری اوغللرندن یالکز عبدالحمید افندی ایله وداغ ایدوبیلوب دیکر لرله وداع ایدمه مش اولدینی استخبار اولندقدده مراد افندی زده ایدی ؟ دیو مراق ایدوب صورشدیردم . کیمی راحتسز ایدی و کیمی معلوماتی وار ایدی ده کلوب پدريله کوریشهمدی دیدیلر . آرتق حقیقی سرای هایونجه بیلنه جک موادنددر .

سلطان عبدالحمید خان حضرتلرینک ضعیف کیتدکجه مزداد اوله رق ذی الحجه نك اون سکرنجی صالی کونی ساعت اوچده روح بر قوچی اعلا ی علینه روان اولمشدر .
روحاه روحه وجعل الجنة

اول کون منصوب و معزول بالجه بندکان و داعیان دولت طوقچو سرای هایوننده طویلاندی . و رسم بیعت اجرا اولندقدن صکره اکثر وکلا و علما و رجال دولت خاقان مرحومک جنازه نمازی قیلمق و جنازه آلاینه بولتمق اوزره کیمی قبه آلتده و کیمی حویلسنده صدالیهلر اوزرنده اوتورمقده ایدیلر . بزده بعض اخوان ایله باغچه صدالیهلر اوزرنده بر خلقه اولوب اوتورمقده ایدک . بری یاغزه کلوب بین الوکلا اختلاف وقوع بولش . کیمی عبدالعزیز افندی بی و کیمی مراد افندی بی ایستیوب عبدالعزیز افندی طرفی غالب کلش دیو خبر ویردکده جانم بو اولور شی دکلدر . بوسوز صرف اراجیف قیلنددر دیهانی اسکات قیدنده ایکن بوسره ده اله کچن تشریفات پوصلهلری بنده لرخی محجوب و سکوته مجبور ایتدی .

شویله که « عبدالحمید خان حضرتلری واصل رحمت رحمان اوله رق عبدالعزیز

افندیمر حضرتلری تحت عالی بخت عثمانی به جلوس ایتمکله قبه آلتنده بیعت رسمک
اجراسی ضمنده شمدی قبه آلتنده موجود بولمق ، دیو تحریر اولنان تشریفات
پوصله لرنده عبدالعزیز اسمک محلی آچیق براغیلوب صکره دن طولایرلش واوزینه
ریک سیریلش اولمغله صانکه پوصله لر یازیلور ایکن تخته کیعک جلوس ایده جکی هیئته
معلوم دکل ایمش معناسی آ کلاشلغمه اول اراحینی تأیید ایلشدور. اوصرده تشریفاتیجی
افندی کوزمه ایلشدی. دولتمک تشریفات قلمی وار. رجال دولتن بر تشریفاتیجیسی
وار. بوقدر حق شی نیچون تمیز ایتیمورسکز ، بونی وکلا تبدلنه می قیاس ایدیور.
سکز ؛ دیدیکمه تشریفاتیجی افندی بو پوصله لر اوتهدنبری تشریفات قلمنده یازلق
اصول ایکن هنوز مستشار صدر عالی اولان عقیف بک افندی آنلری معیت
مخصوصه سده اولان داخلیه قلمنده یازدیرمش ، ایشته یا ککشلق آندن نشأت ایلش
دیو تبرئه ذمت ایلدی . حالبوکه اصول قدیمه دن اولدینی اوزره بو پوصله لر دن
بری ده پادشاه نوجاه حضرتلرینه قدیم اولمغله اسمی محکمک آچیق براغیلوبده صکره دن
طولایرلش اولدینی کورلمکله اغبرار طبع هایونه بادی وعقیف بک فیض و ترکیسنه
مانع قوی اولمشدور .

اصول ونظامدن جزئی انحراف ایشته بوکی قنالقاری دعوت ایلدیکی مجزباتدندور.
عقیف بک یکی مستشار اولدینی جهته معذور کورینور ایسه ده ذاتاً قاعده پرست
و خدمت دولته قدملی و باب عالی معاملاته و قوفلی بر ذات اولدینی جهته بویله
غفلته بولناملیدی . نه چاره که بشریت حسیله بودردلو خطالر بندکانک شانددور .
هان جناب حق انسانی هر درلو غفلت و خطالر دن مصون بیوره آمین .

بعده جنتمکانک جنازه سی سرای هایون حولیسنه چیقارلدی . سنک مصلی
اوزرینه قونولدی . « ارکشی نیتنه ! » کلامی هر کسجه معروف بر عباره ایسه ده
یکرمی ایکی سنه تحت خلافت وسلطنتده بولنش بر پادشاه عظیم الشانک جنازه نمازنده
دخی سائر افراد ناس کبی امام افندیکنک ارکشی نیتنه دیسمی جماعته تعریف اولنماز
مرتبه تأثیر ایتدی . وسلطان عبدالمجیدکده نوع بشردن ایدوکی خاطر سنی خاطره لره
کتیردی . اوزمانه قدر او بزم ذهنلر مزده نوع بشردن بشقه بر شی کبی تصور
اولنیورمش (کل شیء حالک الاوجه) .